

巴塘鹽井鄉志

昆明志 307

地280.413
539

段聖遠巴塘
鹽井鎮志

宣統二
年夏六
月校刊

巴塘鹽井鄉土地地理志爲卷二爲篇四十劍川段鵬瑞雲達所纂輯其地故土番所轄明萬歷間麗江土知府木氏拓而有之 國朝康熙間劃隸四川仍領於土司其改流設治自光緒末年川滇邊務大臣趙爾豐始其鄉土有志則自雲達始也雲達以吾鄉名孝廉將試吏於蜀以與吾族叔石渠先生力衛桑梓故大爲貪暴吏李盛卿饒能弼所齟齬構成冤獄被黜余薦之趙大臣俾從趙觀察淵出關於役馳驅於衛藏冰雪中凡歷數載得滄雪獎叙是書之作迺其領鹽井時職思其官不鄙夷其氏奮筆屬草而成者寄余參訂余觀其紀述質而核簡而賅能臚舉綱要導後之踵事者以先路謂非有用之書也哉孟子以動心忍性增益不能爲天

意玉成人材觀於雲達其信然矣雲達其益崇明德研治術見諸行事爲鄉里光尤余所深望爲弁於是書以勗之宣統三年夏四月同里姻愚兄趙藩序


巴塘鹽井鄉土地志自序

鹽井隸巴塘非古也考余慶遠維西聞見錄序載明萬歷間麗江土知府木氏寢強嘗以麼些兵攻吐番吐番降木氏遂屠其民而徙其麼些兵以戍之故其時巴塘裏塘皆爲木氏有鹽井爲巴塘之甌脫從可知已康熙十三年吳三桂叛其孫世璠以北地賂青海求援巴塘裏塘復淪於吐番旋隸四川而以土官羈縻之土人謂木氏爲木天王今尙有此名稱予於光緒龍集丁未之歲奉檄司權其地甫至聆其語音訝與麗江相近問之通事則曰實麗江之麼些語也惟以地當川藏之交故又雜以藏話且土音稍別耳然則鹽井之向歸木氏爲可證矣鹽井面臨瀾滄大江東西岸群

山壁立氣候溫煖樹莩皆宜惟不宜稻以山溪皆雪水也光緒間襄平趙季和尙書以川滇邊務大臣之命經營喀木凡康以西之被其澤者除其番籍隸我編氓既又爲之興學開墾勸工通商與夫定其婚喪之禮頒之伍符尺籍正如鴻濛初闢四荒響風予時忝司鹽權又兼學堂總理各校苦乏課本因商之 吳蜀尤主政除算學一門外所有修身國文地理歷史官話均令各教員就其地之風土沿革編輯俾知所考而予則公暇進蠻人之充本局職務而年老者與之談往內有諳漢語者亦有將藏文之掌故古本對通事譯而告予者予曰是誠蠻荒文獻之張本也又烏可忽哉歲月屢易序而次之得上下兩編名曰巴塘鹽井鄉土地志蓋

將有來者焉愛國愛鄉之觀念或賴以不熄乎宣統〇年歲次己酉冬十二月劍川段鵬瑞自序於鹽井之見山樓

鹽井全圖



巴塘鹽井鄉土地理志目錄

井研吳嘉謨蜀尤鑒定

劍川段鵬瑞雲達編纂

上編

地圖
位置
沿革
疆界
形勢
山脈
水道
氣候
種族

鹽井鄉土地理志

目錄

風俗

里甲村寨坵

姓氏

戶口

地畝

歲時

差徭

物產

樹蔬

牧畜

倉儲

稅課

下編

鹽井源流

鹽田涵池埧

鑛產

墾荒

學堂

防營

戎事

蠻塘馬糧

津渡皮船溜繩埧

商業街市埧

園法

量衡

醫藥

交涉

廟祀

喇嘛寺

佛教

神會

音樂

勝概

巴塘鹽井鄉土地理志

井研吳嘉謨蜀尤鑒定

劍川段鵬瑞雲達編纂

上編

位置

巴裏兩塘爲川藏間之甌脫而鹽井又爲西藏川滇三省極邊之甌脫羣山東西屏列瀾滄江中分其間今以成都西藏經緯測之鹽井經度在京師中線偏西二十二度五十九分緯度在赤道北三十度四十一分北極出地三十度四分考星經井宿三十度爲二十八宿中度數最多者即陝西四川兩省分野而論鹽井又當在井宿之西南然此屬中國舊傳分野今地理家已不主此說矣

鹽井鄉土地理志

沿革

川邊巴裏兩塘及雲南維西中甸舊皆藏地康熙五十八年大軍招撫番衆始以巴塘裏塘維西中甸分隸川滇巴塘則設宣撫使土司一副土司一所轄宗俄即宗崖協厥兼管鹽井至雍正三年松潘總兵官周瑛始於南墩寧靜山建碑分界而巴塘所屬民糧皆歸糧員管理光緒三十年巴蠻之亂戕殺大臣鳳全大二土司伏誅改土歸流鹽井於宣統元年七月勘畫四至交界設委員管理錢糧詞訟頒發木質關防是爲鹽井專管地方之始

疆界

鹽井當巴塘西南一隅爲巴塘屬地其東北行則巴塘西渡江一

一帶即藏屬北界昌多南則四十里至必用工即交滇界其地廣袤不過七十方里而兩岸菁山陡險尤足以資扼塞今已改土歸流鹽井設治經委員會勘東界至坎布莫岔等村一百二十里東南界至茶里大雪山頂一百九十里南則滇界未經勘畫仍至必用工西南界至江外歐曲卡一百一十里西北界萬山叢沓地勢遼闊直接怒江之外如悶空札夷等處現已投誠惟未經勘畫立界北則仍以昌多四十二里為界故論鹽井疆域從前南北固燧而東西尤燧巴塘土司派協一廠員駐鹽井時東至鳩隆山頂西至加打僅巴民插花數十戶而已今則東西日闢不止百里矣指西至札夷一帶而言

形勢

鹽井形勢東西皆峻嶺然東面之鳩隆山俗作雖高亦只山頂十

鹽井鄉土地理志

餘里頗陡自上鳩隆村下行以至札各系廟又皆山澗紆徐故往往在鹽井西望臙翁山寺如在天上及至臙翁東望則上中下鳩隆等村與鹽井村寨不過畧呈高下若門限然必須平視則鳩隆山頂仍復與臙翁相等惟東西山勢既高現在鹽井所居之噶打以至重青隆等村亦在至高之原故雖吐通江卡一路稍有山而不能作屏障耳若至教堂上壩則又移步換形矣此將來設治之所以尚須相度也

山脈

大江以西羣山羅列西南則臙翁而上西吐則蕎子卡而上皆大山層疊四時積雪山皆枕必克即畢沙汀拉隔覺馬等處臙翁寺

山其支也東則鳩隆山爲最高山自寧靜山蜿蜒相接而來至下鳩隆石峽萬仞束鎖淨流爲鹽井門戶第一勝概其上則自博安頂一帶復南行合茶里之大雪山而入滇境此鹽井大江東西山脈之大概也

水道

瀾滄江源發吐番匝坐里岡城計已一千餘里姑不具論茲卽其至察木多廟前二水合流南下經包墩乍了又折西南入兄衣撒金拉察瓦寺界以至入江卡境又三百里南流而至鹽井又已一千四百餘里矣水至鹽井江心多石浪最高暴近年始置標江岸候其漲落實測定冬令水枯江面僅三十一二丈可作浮橋至夏

秋江水暴發有至七十餘丈之時即稍平亦不下五十六七丈故冬春可用皮船過渡夏秋則溜繩來往甚爲險絕至入鹽井界內所受之水東岸則有鳩隆納覺喜二溪西岸則有大雪項加打列丁諸水凡此匯流皆屬山箐有源之水合瀾滄南流入滇者也此外宗崖河即古樹河之下流經牟尼入南墩界復分爲二南坵分流北流至甲日頂受甲日頂山溪水折向西行又會南流繞宗俄後山而出於宗俄之右東流十里復南流經坎布莫岔八甲龍打等處至曲索渡茶里河西南來會之至是又折東南入滇界經阿東而歸入瀾滄江此鹽井水道之提綱也

氣候

鹽井氣候四季溫和而鹽井暑令熱度至七十度止江西加打一帶則漲至七十三度零蓋以地勢較之江東尤逼江底也且常年多南風晝夜不息房舍遇有罅隙風力無時無處不到觸之令人頭暈氣塞必至夏令大雨時行風始稍定或反作吐風雨亦立至然究之空氣乾燥無論雨雪至半空即爲大風吹散故冬則嶺表寒雲幕空霰雪紛灑夏則墨雲蒸翳山頂滂沱而鹽井雨雪不易到也又冬令少霜園圃溝渠結冰亦甚稀薄似可大施墾闢無如土瘠且堅隨地皆多砂石田頭水過片刻風來依然焦土矣

種族

據漢書圖伯特人爲古三苗種族蓋以舜竄三苗於三危三危之

地以喀木當之

喀木今打箭鑪至察木多等地

是其人爲三苗種族無疑然年湮代

遠表裏崑崙實茲戎服稽厥部落既代有興替即種族亦不無混淆今以鹽井之蠻人而論同此唐古忒語言文字而接壤滇邊語言與麗江府相類蓋又南詔之摩些音梭種也摩些語與藏話迥別但能行之於鹽井及滇邊而不能行之於巴塘餘無論也况巴塘土司亦係以雲南之羅氏子承襲而始有其姓否則康熙五十八年何以永寧副將岳鍾琪招撫巴塘時獨不聞有土司羅某而但稱吉哥翁布二人之名哉巴塘如此鹽井之種雜可知也

風俗

鹽井風俗與巴塘土著同惟地接滇邊近又與內地人往來漸染

漢風故男皆知髻髮而女子亦少組織數十髮辮貫以珠貝及用乳茶塗面之俗惟奉佛教之心尚深故病不服藥而打卦唸經葬不棺殮而創屍沈水婚不正名而兄弟同妻之三事者尤禮義之大防獨習焉而不察是在身任教育之責者亟應修其教而易其俗也

里甲村寨埔

巴塘土司向設協賑一員駐紮宗崖每歲仍駐鹽井半載所有鹽稅租糧及支應差徭均歸其管攝誠以宗崖地當適中且大有四荒嚮風氣象故或以將來設治應仍就宗崖規畫則南通慎界西極瀾滄東控金沙北接巴裏足稱雄障蓋亦非無見也蠻人支差

原有區分亦內地州縣里甲之意但於鹽井大江東西村寨似有

過泥前代戶籍遷徙按照派差有不分江東江西合爲一甲者如

多納覺喜本江北路村北寨而支差仍樹河西是也

江既限之情亦不協今特分爲六里一日蒲

丁里鹽井其附郭里也附之則有蒲丁重青隆窪隆結空號乾溝宗格噶打康馬宮鹽卡樓隔拉等十村二曰覺隴里東路第一甲里也附之則有上中下覺隴剛達寺博安頂等五村三曰宗崖里東路第二甲里也附之則有宗崖窩隴姚橋熱窪坎布莫岔格巴札工錫宗列本碩和寺甲日頂等十二村四曰茶里南路里也附之則有八甲曲索渡龍打宗咱泥馬撒那撒熱浪寺茶里大寨等八村五日江西里西路里也附則之有蓋子卡大雪頂加打彌杜

卡列丁歐曲卡腦翁寺仲村等八村腦翁寺迤西如地村畢土崗空覺馬札夷等處尙未列

六曰昌多里北路里也附之則有昌多納覺喜喇嘛寺等三村

六里之中以東路里甲為盛西路次之北路又次之南則四十里

交畢用工即滇界無鹽村村寨也

姓氏

榛狁以前未有姓氏自姜姬媯姁嬴姁姚姁甲古之八大姓著而後之天子建國類皆因生賜姓至漢京房推律定姓協以宮商角徵羽五音故又謂之五姓然則姓氏之源流宜辨矣鹽井土著皆藏族考明季始有自滇邊來者而滇邊之中甸廳當勝國初尙為番部故其人亦無所謂姓氏今則間有漢姓亦皆昔年戍卒之自

內地來者也鹽井自光緒三十四年興學以來凡入學之蠻人子女皆經改定姓氏凡一家兄弟姊妹同在一堂或叔姪同在一堂者悉令同認一姓惟叔姪不許同排名派以別行輩鹽井所屬戶不滿千以現在各校學齡三百餘名計之將來逐漸推廣子弟皆入學堂姓氏亦可普及久之知有世係宗族風化自端矣邊務大臣趙尙書現復編發鹽井百家姓韻語百字曰江水過昌都邊絮樂利儲巖關危古石汲井富通渠滿郭牛羊牧平林燕羽舒秋花明客路黃葉冷山居匡國須諸葛官勞賴衛邊習應彭濮易風慕夏商初粟麥陳農庾皮毛廣澤茹池田成陸海廉惠湛龍魚懷戴京師盛來歸步武徐宗周仰文郁喬岳慶安車亦令百姓一族共

認一字云

戶口

番部之生齒不繁佛教害之也故以男子而爲喇嘛華言僧也女子而爲覺魔華言尼僧也僧尼之多倍於民戶蓋不獨貧苦人爲然即如協厥墨色家擁巨資而其子女無不以出家爲幸福無惑乎歷千百年而地廣人稀也按康熙五十九年及雍正五年前後用兵西藏南路由中甸阿墩子運糧赴察其時鹽井雖非孔道而差徭所至同一轉徙流亡故今茶里道中多有荒村基址詢之老民皆以昔年刀兵水火浩劫環乘所致蓋又在天演之例也鹽井碕房散處其足當大村之名惟河西之新收歐曲卡及宗崖兩處而已餘

則或三五家一村名五六家又一村名稱謂各殊殊難紀實今據糧册復經調查其附近十村一百五十六戶男女三百八十一丁口舊糧册六十二戶男覺隴五村六十七戶男女四百零一丁口宗崖十二村一百八十九戶男女四百三十七丁口茶里八村六十六戶男女二百三十丁口河西七村三百一十九戶男女一千五百六十丁口昌多三村九十二戶男女一百九十四丁口統計八百六十九戶男女三千零二十丁口鹽井不日設治民戶門牌亦應按發庶奸宄清而閭閻安矣

地畝

關外田地除現在所墾計畝外其蠻人舊日耕種之地未經丈量

無論大小以塊數計實則科糧之法已寓其內蓋以每塊應布籽種若干每斗籽種又該科糧若干以此推算亦無甚參差也查巴塘原定善後章程水地每籽種一斗納糧一斗五升旱地每籽種一斗納糧七升五合水地兩季下季應納雜糧七升五合今合計鹽井境內蒲丁覺隴宗崖茶里江西昌多六里共水地一千八百七十三塊旱地二千五百九十五塊水旱地共布籽種七百二十七石七斗一升一合零

鹽地向用批克今用官斗核計

應共收水地兩季旱地一季租糧一千三百九十一石八斗零二合零與巴塘光緒三十四年糧册已增至四百四十餘石是蓋收復河西歐曲卡大村之糧也

至臚翁迤西之中村地村畢土崗空覺馬札夷等處光緒三十三年

年投誠所收之糧尙未計入

歲時

鹽井蠻人皆用西藏曆其曆與中曆所同者惟仍以十二月爲一年三年置一閏及日月交周入限時刻分秒仍復不差耳此外每月皆以三十日計算又置有閏日之法故或遇閏日之月則每月有三十一日或三十二日而仍將此日不計亦無月小二十九日之注即如宣統元年十二月三十乙巳日爲中曆歲除丙午日爲宣統二年正旦而鹽井人則以華人之正旦丙午日始爲歲除已與中曆差錯一日故三年仍置一閏則同而所閏之月又不能適如中曆也至紀年月用地支及生命之有子鼠丑牛各類象亦皆

與中歷所稱無異但不用天干且無氣候節令歲除新年而外無所謂端午中秋長至等節惟正月十五九月二十八舉行剛達寺跳神會前後皆三日七月十五曲敦隆寺演唱蠻戲又復三日屆時男女嬉遊酒食饋送亦春祈秋報之意也

差徭

蠻民差徭之煩土司爲甚當巴塘土司未改時其蠻例極爲苛慘即如一歲之中柴草有差酥油有差茶葉有差以至大而牛羊孳畜毛布毛索小而瓦缶盆盎筭箒之細靡不取之於民而一切協厥墨色馬本之從中苛派各項名目猶不在此例今一律蠲免即公所應需用湯打人役皆給飯食工資鹽井又非進藏之孔道除

來往公文仍按站發給差盤遞至邦木塘轉發外所有邊務大臣差駐藏大臣差廓爾喀差及西藏堪布赴京差以至文武公幹差仍照舊章分別大小烏拉無論騎馱應用騾馬旄牛均謂之烏拉以烏拉一百以上爲大烏拉定價每匹烏拉給銀藏元半元合銀一錢六分其烏拉或輪支常支遠近均有頭人催備亦無推諉故關外差徭從前鹽井遇有大差與巴塘一律支應惟小烏拉稍簡今則公幹烏拉亦無日無之而蠻民之差徭視土司時尙屬稀簡此蠻民之所以急公也

物產

鹽井以鹽爲出產固不論已然大山環薄無不蕃息即如藥材內